




O Mea Malie Moni

1. I le 1915, o le Tusitaluma a le Ofagapi na faatagaina tamaitai talavou e filifili ni galuega faatino mai le silia ma le 300 ni filifiliga eseese. O nisi o na galuega faatino sa aofia ai le tausiga o ni ofaga o pi mo se vaiatao ato, o le tausisia ia leai ni lago i totonu o le fale mo le lua vaiaso, po o le faamamaina o se togavao mai le fasifanua ia le itiiti ifo ma le tasi le afa eka.¹²



2. O Uluai Teine o le Ofagapi sa ofuina ni toniga na mama-nuina e asosi i le lotoifale, ma i le 1922, na avea ai le lanu auro ma le lanu meamata ma lanu aloaia o le Asosi o le Faaleleia Tutusa.¹³

3. O le igoa o le Ofagapi na aumai mai paionia, o e na vaai i le Ofagapi o se faailoga o le galue ma le lotogatasi. O le Maea Meite na aumai mai le faapuupuuga o le (Mutual Improvement Association, MIA) Asosi o le Faaleleia Tutusa. O le igoa o le Lora e faasino i le pale laulau lora, o lona uiga o le mamalu ma le tulaga ausia.¹⁴



4. I le vaiatao o le 1940 ma le vaiatao o le 1960, sa mafai ona ausia e tamaitai talavou ni pine na latou suina i luga o se fusi sa ta'ua o se panetelo [bandelo], lea sa latou asoaina i o latou fatafata. O se tasi o tulaga manaomia e maua ai se pine o le "taumafai ia maua atoa lelei le iva o itula o moe faaaulelei i po uma o le masina lenei."¹⁵



5. O le faitauaofai o tagata o le Ekalesia Aoa na faateleina mai le tusa ma le 110,000 i le 1870¹⁶ i le silia ma le 16 miliona tagata e oo mai i le 2020¹⁷— mafaufau la i le toatele o tamaitai talavou o loo i ai i le lalolagi i le taimi nei!

2020



Igoa: Ua tumau le igoa o le faalapopotoga a Tamaitai Talavou.

Faalapotopotoga ma Vasega: O vasega ua faatutaga i uarota po o paranesi taitasi e tusa ai ma ona manaoga ma iloa lava i le faailoga autasi "Tamaitai Talavou" (mo se faataitaiga, "Tamaitai Talavou 12," "Tamaitai Talavou 12-15," po o le na o le "Tamaitai Talavou" pe afai latou te faapotopoto faatasi uma).



Faaleleia ma le Faailoga Aloaiaina: Ua suitulaga le Tamaitai ma Talavou i le polokalama Alualu i Luma o le Tagata Lava Ia. Ua uunaia e le polokalama fou ni avanoa patino e tuputupu ae ai i vaega o Atinaega Faaletagata Lava Ia, Aoaoina o le Talalelei, ma le Auauaoga ma Gaoioiga.¹¹



Mekasini ma Apitalaaga: O le mekasini o le *New Era* mo le autalavou ua latalata i le faailogaina o lona 50 tausaga. ■

FAAMATALAGA

1. Tagai i le "Timeline of Young Women History," history.ChurchofJesusChrist.org/landing/a-brief-timeline-of-young-women-history.
2. Tagai i le "Young Women's Timeline," *Punaoa o Suesuega a Tamaitai Mamona*, Faletusi o Harold B. Lee, Iunivesite o Polika Iaga, Provo, Iuta, mormonwomen.lib.byu.edu/young-womens-portal/young-women-timeline.
3. Tagai i le "Talafaasolopito o le Faailoga Aloaiaina o Tamaitai Talavou," history.ChurchofJesusChrist.org.
4. Tagai i le "Young Women's Timeline."
5. Tagai i le "Young Women's Timeline."
6. Tagai i le "Young Women's Timeline."
7. Tagai i le "Young Women's Timeline."
8. Tagai i le "Young Women's Timeline."
9. Tagai i le "New Young Women Value: Virtue," Tes. 9, 2008, thechurchnews.com.
10. Tagai i le "Young Women's Timeline."
11. Tagai i le ChildrenAndYouth.ChurchofJesusChrist.org.
12. Tagai i le "History of Young Women Recognition."
13. Tagai i le "History of Young Women Recognition."
14. Tagai i le "Young Women Classes and Symbols," ChurchofJesusChrist.org/young-women/personal-progress.
15. Tagai i le "History of Young Women Recognition."
16. Tagai i le "The Annual Report of the Church," *Ensign*, Iulai 1972, 131-33.
17. Tagai i le "Worldwide Statistics," newsroom.ChurchofJesusChrist.org/facts-and-statistics.



Lima Fesoasoani o Haven

O Haven, o se tamaitai e 14 tausaga mai Iuta, ISA, na filifili e faamanatu le avea o ia o se tamaitai talavou i le Ekalesia e ala i le auaua atu i isi.

"Sa amata i se manatu itiiti," o lana tala lea. "Sa alu le uso o lo'u tamā i Bangladesh i se malaga fesoasoani alofa ma aoao e uiga i mea faigata na oo i ai tagata iina. Sa ou manao e fesoasoani ia i latou—o lea sa ou vaavaai ai i le polokalama JustServe ma maua ai le manatu e fai ni pusa o mea e manaomia mo tagata sulufai sa i ai iina."

Sa aoina e Haven se foai mai lana aoga, fatuina se itulau GoFundMe, ma na faapena foi ona ia aoina ma la'u kalone lapisi a tuaoina ia fesoasoani e saili ai se tupe mo pusa o mea e manaomia. "Ou te aoina e tusa o le 22 kalone lapisi ma le 11 kalone o mea e toe faaoga i Aso Gafua ma Aso Lua uma," o lana tala lea. "E masani lava ona ou faaogaina la'u tupe maua mo la'u polokalama aufaipese ma sefe mo se misiona, ae sa ou filifili e faaoga la'u tupe i le masina lena e fesoasoani e faatau ai sapalai nai lo lena."

Ona alu lea o Haven ma faatau mai uma lava mea sa ia manaomia mo pusa o mea e manaomia, e aofia ai totigi, totigilima, sikafu, ma pulou. Sa ia tuufaatasia ia pusa taitasi ma fesootai atu i le faatonu o le Lifting Hands International ina ia feutagai i le tilivaina o pusa i Bangladesh.

"O le tuufaatasia o pusa e sili atu le tele o le taimi na alu ai i la'u poloketi. Ae o taimi uma lava ou te tuuina ai se vaega i totonu o le pusa, na ou iloa o le a alu i se tasi o manaomia le fesoasoani ma o le a faamanuaina ai mo se taimi umi."



E oo atu i le faaiuga o lana poloketi, sa lagona e Haven le tuputupu ae o lona talitonu ia te ia lava i lona gafatia e auaua atu. "Sa ou aoaoina mai i lenei mea le tele o le fesoasoani e mafai ona ou tuuina atu pe afai ou te matua taumafai i lo'u malosi silisili. Sa ou lagonaina foi le agaalofa mo tagata sa ou fesoasoani i ai, lea na fesoasoani ou te lagona ai le latalata atili atu i le Faaola ma lagona ai sina vaega o le mea o loo la lagonaina mo i tatou."

A o tatou faamanatuina tausaga o le faalapopotoga a Tamaitai Talavou, e mafai e i tatou taitoatasi ona manatua o i tatou o faataitaiga o Keriso. E pei foi o Haven, e mafai ona avea i tatou ma fesoasoani tele i isi pe a tatou taumafai i lo tatou malosi silisili e auaua atu e pei ona la faia. ■